



'T HEF NIKS OM 'T LIEF

(Frauen, nein danke)

Vrolijk Drents tonielstuk in drie bedrieven

deur

FRED BOSCH

vertaald en bewarkt deur

Henk Karstens

TONEELUITGEVERIJ VINK B.V.
(Grimas Theatergrime verkoop)
Tel: 072 - 5 11 24 07
E-mail: info@toneeluitgeverijvink.nl
Website: www.toneeluitgeverijvink.nl

VOORWAARDEN

Alle amateurverenigingen die het stuk: **'T HEF NIKS OM 'T LIEF - FRAUEN, NEIN DANKE** gaan opvoeren, dienen in alle programma-boekjes, posters, advertenties en eventuele andere publicaties de volledige naam van de oorspronkelijke auteur: **FRED BOSCH** te vermelden.

De naam van de auteur moet verschijnen op een aparte regel, waar geen andere naam wordt genoemd.

Direct daarop volgend de titel van het stuk.

De naam van de auteur mag niet minder groot zijn dan 50% van de lettergrootte van de titel.

U dient tevens te vermelden dat u deze opvoering mag geven met speciale toestemming van het I.B.V.A. Holland bv te Alkmaar.

Copyright: © 2002 Anco Entertainment bv - Toneeluitgeverij Vink bv

Internet: www.toneeluitgeverijvink.nl

E-mail: info@toneeluitgeverijvink.nl

Niets uit deze uitgave mag verveelvoudigd en/of openbaar gemaakt worden door middel van druk, fotokopie, verfilming, video opname, internet vertoning (youtube e.d.) of op welke andere wijze dan ook, zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Het is niet toegestaan de tekst te wijzigen en/of te bewerken zonder voorafgaande schriftelijke toestemming van I.B.V.A. HOLLAND bv te Alkmaar, welk bureau in deze namens de Uitgever optreedt.

Vergunning tot opvoering van dit toneelwerk moet worden aangevraagd bij het Auteursrechtenbureau **I.B.V.A. HOLLAND bv**

Postbus 363

1800 AJ Alkmaar

Telefoon 072 - 5112135

Website: www.ibva.nl

Email: info@ibva.nl

ING bank: 81356 – IBAN: NL08INGB0000081356 BIC: INGBNL2A

Geen enkele andere instantie dan het IBVA heeft de bevoegdheid genoemde rechten van u te claimen, of te innen.

Auteursrechten betekenen het honorarium (loon!) voor de auteur van wiens werk door u gebruik wordt gemaakt!

Auteursrechten moeten betaald worden voor elke voorstelling, dus ook voor try-outs, voorstellingen in/voor zorginstellingen, scholen e.d.

Vergunning tot opvoering:

1. Aankoop van minimaal **8** tekstboekjes bij de uitgever.
2. U vult het aanvraagformulier in op www.ibva.nl of u zendt de aanvraagkaart (tevens bewijs van aankoop), met uw gegevens, naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
3. U krijgt daarop de nota toegestuurd. Na betaling wordt u de vereiste vergunning toegestuurd.

Vergunning tot HER-opvoering(en):

1. U vult het aanvraagformulier in op www.ibva.nl of u zendt de aanvraagkaart met uw gegevens naar I.B.V.A. Holland. Uw aanvraag dient tenminste **drie weken voor de eerste opvoering** in bezit te zijn van I.B.V.A. Holland.
2. U krijgt daarop de nota toegestuurd. Na betaling wordt u de vereiste vergunning toegestuurd.

Opvoeringen zonder vergunning zijn niet toegestaan en strafbaar op grond van de Auteurswet 1912. Zij worden gerechtelijk vervolgd, terwijl de geldende rechten met 100% worden verhoogd. Het tarief wordt met 20% verhoogd voor opvoeringen waarvoor geen toestemming werd aangevraagd binnen drie weken voorafgaand aan de voorstelling.

Het is verboden gebruik te maken van gekregen, geleende, gehuurde of van anderen dan de uitgever gekochte tekstboekjes.

**Rechten BELGIË: Toneelfonds JANSSENS, afd. Auteursrechten,
Te Boelaerlei 107 - 2140 Bght ANTWERPEN Telefoon (03)3.66.44.00.
Geen enkele andere instantie heeft de bevoegdheid genoemde rechten van u te claimen, of te innen.**

PERSONEN:

Derk Wiessing	pensionholder
Elly Wiessing	zien vrouw
Tinus Visser	warkt bij Wiessing
Harmke Vos	warkt bij Wiessing
Piet Lammers	hulpkelner
Fred van Soest	pensiongast
Inge van Soest	zien vrouw
Betty van Dam	't wicht uut Nei-Amsterdam

DECOR:

Het toniel stelt de eetzaal veur van het pension Wiessing. Der staot een aantal zitties. Der bint twee deuren: ien naor de keuken (rechts), ien naor de overige vertrekken en naor buten. (links)
An de wand hangt een foto van Elly en een spiegel. Verdere inrichting naor eigen idee.

TIJD:

Het eerste bedrijf speelt 's mörgens, het tweede bedrijf de volgende mörgen, het darde bedrijf zo'n veertien dagen later.

EERSTE BEDRIEF

's Mörgens vrog.

Harmke: *(is bij ien van de zitties an 't wark. Ze hef een emmer met water en een doek bij heur en nemp met een natte doek de taofel of. Ze is kwaod)* Ik zul wel ies willen weten, waar die luie Tinus blef... Die kan natuurlijk weer niet uut bedde kommen.. Ik kan toch verdorie niet alles allèn doen.... *(ze wringt de doek uut in de emmer en stiet met de rug naor deur links)*

Tinus: *(links op, hef zuk nog niet wassen, haor roeg op 't heufd, blote voeten in pantoffels, löp hiel veurzichtig naor Harmke toe, pakt heur van achteren om heur middel vast)* Goeiemörgen.

Harmke: *(schrikt, dreit zuk metien om en slat Tinus met natte doek om de oren, kwaod)* As jij mij nog ien keer zo laot schrikken hèn, zet ik de emmer met water omgekeerd op joen dikke kop... Jij lelijke luiwammes... Je mussen je schaomen...

Tinus: Maor Harmke toch... Waorum doe j' nou zo onvriendelijk tegen mij.. Ik bin het toch.. Joen Tinus... joen engel..

Harmke: Jij bint mien Tinus niet en mien engel ook niet *(drukt hum natte doek in de hand)* Hier hej de doek.. *(wes)* Daor stiet de emmer... *(wes)* Die aandere taofel en stoelen bint veur joe.. Ik moet naor de keuken... Het ontbijt klaormaken veur oeze gasten.. *(löp naor rechts, richting keuken, dreit zuk om)* En zal ik joe nog ies wat zeggen??

Tinus: Ja, zeg ies wat...

Harmke: Gao je straks eerst ies fatsoenlijk wassen en antrekken.. Oeze gasten kunt wel benauwd veur je worden..

Tinus: Jij hebt mij ja al wassen...

Harmke: Ja, maor niet goed genug... Jammer. *(rechts of)*

Tinus: *(kek in spiegel)* Nou, zo arg as Harmke zeg, is 't ook weer niet... *(löp met emmer en doek naor aander taofeltie, nemp taofeltie of, prat oner 't wark deur)* Dat waren aandere en betere tieden, toen wij de boerderij nog haren.. As ik toen 's mörgens vrog in de stal kwam, was het vee bliede en begroette mij op heur manier... Nou slaot ze mij met een natte doek om de oren... Maor ja... Toen de aole boer uut de tied kwam, wuur van de boerderij een pension maakt.. Zo is 't wel vaker gaon hèn... Nou bin ik hier de manus van alles.. *(blef stil stoan)*

Elly: *(links op)* Goeiemörgen Tinus...

Tinus: Goeiemörgen Elly.

Elly: Bej hier al klaor?

Tinus: Nog niet hielemaol.

Elly: Oh, ik dacht maar zo.. Omdaj niks doet...

Tinus: Even uutblaozen hèn..

Elly: *(kek rond)* Is Harmke der niet?

Tinus: Nee.. Ik stao der vanmörge hielemaol allèn veur.

Elly: Waar zul Harmke dan wezen??

Tinus: *(haalt scholders op)* Zeg het mij. Dan weet ik het ook..

Elly: Ze zal zuk toch niet verslaopen hebben??

Tinus: Dat zul gien wonder wezen... Onder oes zegd hèn: Harmke wordt der niet beter op.. Ze komp 's mörgens hiel muulijk op gang... Ze verget een hieleboel dingen...

Elly: Och, dat valt nog wel een bectie met, dacht ik..

Tinus: Volgens mij valt het niet met.. Maor ja.. Zo giet het nou ienmaol hèn... As vrouwluu aolder wordt, giet de vaart der wat uut...

Elly: As 't niet arger wordt, tieken ik derveur..

Tinus: Ik niet.. *(pakt natte doek, wil daormet de stoelen ofnemen)*

Elly: *(zöt dat)* Heela... Je moet de stoelen niet met een natte doek ofnemen..

Tinus: Nee???

Elly: Nee.. Dan komt der van die kale vlekken op..

Tinus: Waormet moet ik ze dan ofnemen?

Elly: Met een dreuge doek.. *(Tinus pakt rooie buusdoek uut de buus, wil stoelen ofnemen)* Nee... Zo ook niet.

Tinus: Wat doe ik nou dan weer verkeerd?

Elly: Je gaot de stoelen toch niet met een vieze snötdoek ofnemen...

Tinus: *(stopt buusdoek in de buus)* Dan weet ik 't ook niet meer.

Elly: Ik zal het straks wel even doen. Ik heb veur joe wel wat aans.

Tinus: Wat dan?

Elly: Je moet even de grune container an de weg zetten... Je moet veur 't huus de boel even anvegen... Je moet even de kippen voeren... Je moet even de vlag uuthangen, zodat de mensen kunt zien, dat hier een pension is.....

Tinus: Meer niet??

Elly: Veurlopig niet.

Tinus: Dan zal ik dat even gaon doen. *(löp met emmer en doek rechts of)*

Elly: *(ook rechts of, in keuken, lat deur lös)* Je bint ja wel al op, Harmke..

Harmke: *(in keuken)* Wie zee dan, dat ik nog op bedde lag?

Elly: Tinus..

Harmke: Tinus??? Die gaorenklopper hef zuk zölf verslaopen!!!

Elly: En tegen mij zee e, dat jij je verslaopen haren...

Harmke: Laot die maor ies hier kommen.. Dan zal ik die slaopkop wel ies laoten zien, hoe wakker ik bin.

Elly: *(rechts op met stofdoek, nemp stoelen of)*

Derk: (*links op, in overhemd zonder strik*) Zeg Elly.... Weet jij ook, waor die neie strik van mij is?

Elly: Welke neie strik?

Derk: Die ik op mien verjaordag kregen heb.

Elly: Hangt e niet in de kast bij de aandere strikken?

Derk: Volgens mij niet.

Elly: Dan weet ik 't ook niet. Moeij dan persé die neie strik veurhebben??

Tinus: Ja.. Want vandaag is 't een biezondere dag hè..

Elly: (*verbaosd*) Is het vandaag een biezondere dag?? Wat veur biezunders is der dan an dizze dag??

Derk: Denk maor ies goed nao..

Elly: 't Is oeze trouwdag niet.. Ik bin niet jaorig.. Jij bint niet jaorig...

Derk: 't Is vandaag twentig jaor leden..

Elly: Twentig jaor leden?? (schudkopt) Nee, het zeg mij niks.

Derk: Dan zal ik je uut de dreum helpen.. Twentig jaor leden....op 1 juli.. is Tinus as knecht bij oeze familie op de boerderij kommen...

Elly: Is waor ook... Dat ik daor niet opkomen bin..

Derk: Twentig jaor is een hiele tied... Dat kuj niet ongemarkt veurbij laoten gaon.

Elly: Nee.. Dat möt vierd worden.

Derk: Dat dacht ik ook.

Elly: Hej al wat in de zin?

Derk: Ik bin van plan hè, vandaag met hum uut toeren te gaon met de auto..

Elly: Waor woj dan hin?

Derk: Waar Tinus maar hin wil.. En as verrassing rie ik dan an 't eind van de dag naor Tinus zien geboorteplaats Nei-Amsterdam....

Elly: Dat vindt e vast mooi.

Derk: Dacht ik ook. Maor mondje dicht hè.. Dat mag e nog niet weten.. Dat möt een verrassing blieven.

Elly: Zul e zölf wel weten, dat e vandaag twentig jaor hier in dienst is?

Derk: Denk ik niet.. Om zukke dingen mak Tinus zuk niet drok..

Elly: Dan möt e vanmörge eigenlijk ook een feestelijk ontbijt hebben..

Derk: Ja, eigenlijk wel.

Elly: Dat zal ik dan wel even met Harmke regelen.

Derk: Goed. Ik zal nog ies even kieken, of ik die strik vinden kan.

Elly: Aans doe j' toch een aander veur? Je hebt ja strikken zat.

Derk: (*links of*)

Elly: (*löp naor keukendeur, döt die lös, röp*) Harmke.... Woj wel even hier kommen?

Harmke: (*rechts op*) Is der wat?

Elly: Ja. Aans reup ik je toch niet?

Harmke: Nou gauw dan maor, want ik bin drok bezig, het ontbijt veur de gasten klaor te maken.

Elly: Dat komp mooi uut. Der möt nog een ontbijt veur ien persoon bij.

Harmke: Is der een neie pensiongast kommen?

Elly: Nee... Wij hebt gien neie pensiongast.. Wel een biezunder iemand.... En daorveur moet jij een feestelijk ontbijt maken.. Met alles derop en deran. (wes) Bij die taofel möt e zitten.

Harmke: Wie is die biezundere gast as ik vraogen mag??

Elly: Tinus.

Harmke: (verbaosd) Tinus???? Oeze Tinus???

Elly: Ja, oeze Tinus.

Harmke: Hef die soms de heufdpries in de staotslotterij wunnen??

Elly: Nee. Hij is vandaag twentig jaor bij de familie Wiessing in dienst. Vandaag viert wij zien jubi-jeum.

Harmke: Is e vandaag al twentig jaor bij jullie in dienst?

Elly: Ja.

Harmke: Dat jullie het zo lang met hum uutholden hebt... Daor kan ik met mien verstand niet bij.. Ik bin hier nog maor zes jaor... En al die zes jaor heb ik mij doodargerd an die slampamper.. Ik mag die vent soms veur mien ogen niet zien.

Elly: (lacht) Nou overdrief ie, dunkt mij, wel wat...

Harmke: Nee heur.. Hielemaol niet.

Elly: Jij weet net zo goed as ik, dat Tinus in zien hart een doodgoeie vent is.

Harmke: Daor mark ik niet veul van.

Elly: Hij zegt 't soms wat raor, maor hij mient 't niet zo kwaod.

Harmke: Kan best wezen, maor ik moet 't wel anheuren.

Elly: Jij bint ook niet altied lief en aorig tegen hum..

Harmke: Ik lief en aorig??? Tegen hum??? Ja, hij kan mij de pot op..

Elly: Probeer het in elk geval vandaag.. Omdat het zien feestdag is.

Harmke: Ik zal wel ies zien.. Maor ik beloof niks. (rechts of)

Elly: (warkt deur)

Piet: (links op met koffer) Goeiemörgen mevrouw Wiessing. Neem mij niet kwaolijk, dat ik wat an de late kaant bin...

Elly: Wat an de late kaant, zee jij?? Man.. Jij zul een week leden toch al kommen??

Piet: Weet ik... Weet ik.. Maor mien grootmoeder...

Elly: (onderbrek hum) Wat is der dit keer met joen groot moeder?? Hef ze weer ien of aandere ziekte kregen? Of is ze veur de zoveulste keer begraven...

Piet: Nee... nee... Dat niet.. Maor je moet begriepen....

Elly: (*onderbreek hum*) Ik begriep alles.. Hold je maor gauw stil. Ik ken die smoesjes van joe zo langzaomerhand wel...

Piet: Bint der al veul gasten?

Elly: Op 't moment nog maor twee.. Een echtpaar uut Assen.. De vrouw is wat overspannen en wil hier tot rust kommen..

Piet: Aole mensen al?

Elly: Nou, nee... Zo aold nog niet.

Piet: En hef ze heur man hier methin neumen?

Elly: Ja.. Waorum niet??

Piet: (*klopt zuk op de börst*) Nou.. Aj naor zee gaot, neem ie toch gien water met... (*lacht*)

Elly: Dan wil ik je nog ien ding zeggen, Piet Lammers--- Veurdaj an 't wark gaot. Die vrouw is veur joe taboe--- Begrepen?

Piet: Ik.. ik zal deran denken.

Elly: Je bint hier ansteld as hulpkelner en niet as stotense haan...

Piet: Heb ik dezölfde kamer as aans?

Elly: Ja.

Piet: Dan zal ik mij direkt gaon omkleden. (*links of*)

Elly: (*rechts of, komp terug met twee taofelkleedties, dekt twee taofelties*)

Derk: (*links op, hef strik veur en colbert an*)

Elly: Piet Lammers, oeze hulpkelner, is net ook kommen.

Derk: Nou, dat wuur ook tied... Zal ik nou eerst Tinus even roepen?

Elly: Goed.

Derk: Weet ie ook, waor e zit?

Elly: Misschien nog buten.

Derk: Ik zal wel even kieken. (*links of achter heurt men hum roepen*)
Tinus....Tinus...

Tinus: (*achter*) Ja????

Derk: (*achter*) Woj even binnen kommen?

Tinus: (*achter*) Ik kom deran..

Derk: (*links op*) Hij komp deran.

Tinus: (*links op, nog in zölfde tenue*) Hier bin ik al.. Is der weer wark an de winkel?

Derk: Nee Tinus.. Dat niet. Vandaag en mörgen huuf jij hielemaal niet te warken.

Tinus: Nee???? Maor ik bin niet ziek..

Elly: Nee, dat niet.. Maor der is wel wat aans..

Tinus: Oh ja?? Wat dan??

Derk: Wat veur daotum hebt wij vandaag?

Tinus: (*denkt nao*) Ien juli???

Elly: Dat hej goed dacht.

Derk: En wat veur daotum was 't twentig jaor leden?

Tinus: *(denkt weer nao)* Ook ien juli..

Elly: En wat is der die dag gebeurd??

Tinus: Twentig jaor leden??? Op ien juli??? *(krabt zuk achter de oren)*
Al slao j' mij dood... Ik zul 't niet weten.

Elly: Maor Tinus toch.. Denk nou ies goed nao..

Tinus: *(denkt nao)* Toen....toen... *(haalt scholders op, kek Derk en Elly an)* Zeg het maor..

Derk: Toen bin jij bij oes in dienst kommen.

Tinus: Is dat vandaag al twentig jaor leden??

Elly: Ja

Tinus: *(schudkopt)* Jonge, jonge.. Wat giet de tied toch snel....

Derk: Wij wilt dizze dag natuurlijk niet ongemarkt veurbij laoten gaon..

Elly: Nee, dat kan niet.

Tinus: Och mensen.. Maak toch gien drokte.. Twentig jaor bij jullie in dienst.. Dat stelt toch niet zoveul veur.. As 't nou viefentwintig jaor was.

Derk: As 't viefentwintig jaor west was, haar jij van oes een golden horlozie kregen.

Tinus: Maor omdat het twentig jaor is, krieg ik nou een zulveren horlozie...

Elly/Derk: *(lacht)*

Elly: Nee, je kriegt wat aans. Maor je moet eerst je nette pak antrekken en je wat schier maken.

Tinus: Möt dat?

Derk: Ja, dat möt. Aans giet 't feest niet deur.

Tinus: Dan zal ik mij gauw even opknappen, want ik bin doodsneisgierig, wat ik krieg. *(löp naor Elly)* Alvast bedankt, Elly. *(gef heur smok op de wang, wil links of)*

Derk: En word ik niet bedankt?

Tinus: Nee.. Ik smok niet op kerels.. *(links of)*

Derk: Waor is Piet Lammers bleven??

Elly: Die is naor zien kaomer gaon om zuk om te trekken.

Derk: Ik moet zeker nog wel even met hum ofspreken, wat e doen möt..

Elly: Ja, regel jij dat maor.

Derk: Goed. *(links of)*

Elly: Dan gao ik verder met taofeldekken. *(rechts of)*
(Even later komt Elly en Harmke op met plateaus, waarop ontbijtspullen.)

Elly: *(zet ontbijtspullen op taofeltie van de femilie van Soest)*

Harmke: *(zet ontbijtspullen op taofeltie van Tinus)*

(As Elly en Harmke alles niet in ien keer kunt holden, moet ze nog

maor een keer lopen)

Harmke: *(hef eierdoppie met ei op taofel van Tinus zet bekek de boel)*
Zo is 't mooi genog veur 't feest varken.. Je mugt om mij trouwens het woord „feest" wel weglaoten..

Elly: Harmke.. Harmke.. Praot toch altied niet zo lelijk over Tinus... En zet asjeblijft een vriendelijker gezicht. Aans denkt Tinus nog, dat jij het hum niet gunt.

Harmke: Wat ik hum gun, zal ik maor niet zeggen.

Elly: Dat lek mij ook beter. *(bekek de taofel van Tinus)* Ik zal nog even bloemen ophalen.. As jij dan veur keersen zörgt... Jij weet, waar die bint??

Harmke: Ik dacht 't wel.. En as ik gien keersen vinden kan, zat ik wel een stallanteern op zien taofeltie.. *(rechts of)*

Elly: *(lacht, ook rechts of)*

Harmke: *(even later op met kandelaor, waarin ien hiel klein keersie, zet die op taofel)* Ien keersie is veur die doerak maans genog.. 't Is gien Kerstfeest...

Elly: *(rechts op met vaas met bloemen, zet die op taofeltie van Tinus)*

Harmke: Moet ik de keers ansteken of zul e dat zölf kunnen?

Elly: Die steek ik wel an as 't zo wied is..

Harmke: Dan kan ik dus wel weer naor de keuken gaon.

Elly: Jawel.. Jij moet Tinus straks maor even gezelschap holden, dacht ik..

Harmke: Wat???? Moet ik de hiele tied bij hum blieven zitten??

Elly: Ja.. Dat heurt zo bij een jubileum hè...

Harmke: Ik bin hier ansteld as dienstmeid en niet as gezelschapsdame... As e dat maor even in de gaten holdt..

Elly: Vandaag is 't een biezondere dag veur Tinus.

Harmke: Nou, veur mij niet. *(rechts of)*

Elly: *(rechts of)*

Derk/Tinus: *(links op)*

Tinus: *(netties antrökken, haor in de plooi, dreit in de ronde)* Nou, kan 't zo??

Derk: Prima, Tinus... Prima.. En kom nou maor ies met. *(löp met Tinus naor gedekte taofel)* Nou, wat zeg ie hiervan?

Tinus: Is der een neje gast kommen??

Derk: Nee, dit is veur joe.

Tinus: Veur mij???

Derk: Ja, omdaj vandaag twentig jaor bij oes in dienst bint..

Tinus: Dat is ja veul te veul..

Derk: *(snapt 't niet)* As 't teveul is, laot ie maor wat staon..

Elly: *(op uut keuken)* Tinus jonge... Wat stao jij der ja knap op... Om

deur een ringegie te halen..

Tinus: Aj dan maor een grote ring neemt. Aans kan het veur mij nog wel ies kniepen worden..

Elly: Wat zal Harmke opkieken, as ze je zöt..

Tinus: Opkieken, zee je?? Harmke wil mij liever doodkieken.

Elly: Dat is ook wel een beetie je eigen schuld... Waorom moet jij heur altied zo op stang jagen? As jij vriendelijker tegen heur doet hè, zij zien, dat Harmke hiel aans is as jij denkt.

Tinus: Zul 't??

Elly: Probeer 't maor ies. Dan zij ontdekken, dat ik geliek heb.

Tinus: Hoe weet ie dat?

Elly: Omdat ik ook een vrouw bin.

Derk: Zo... Gao nou maor ies zitten, Tinus.

Tinus: *(giet zitten)*

Elly: *(stek keers an)* Eet smakelijk, Tinus... Aj nog wensen hebt, moeij maor eem kik geven...

Tinus: Nou, as ik zo kiek, is der meer as genog.

Elly/Derk: *(rechts of)*

Tinus: Jonge, jonge... Ik heb het van mien leven nog nooit zo goed had.. Ik heb een gevuul hè, of 't vandaag Sunterklaos is.. *(giet eten)*

Harmke: *(op uut keuken, zet nog wat op aander taofeltie, wil dan weer of)*

Tinus: *(zit met rug naor Harmke toe)*

Harmke: *(zöt ien bij taofeltie zitten, zöt niet, dat 't Tinus is, blef staon, handen in de zied, kwaod)* Nou möt 't toch niet gekker worden.. Zit daor doodgemoedereerd mien Tinus zien feestmaol op te eten—*(hard)* Hee daor.. Je zit an 't verkeerde taofeltie...

Tinus: *(met verdreide stem, in 't Nederlands)* Is al het personeel hier zo ongemanierd en brutaal? Ik ben hier voor twee dagen te gast en wens niet op een dergelijke manier door U behandeld te worden.

Harmke: Oh, neem mij niet kwaolijk.. Ik wus niet, daj een neie gast waren.. *(löp naor taofeltie, kek niet naor Tinus, grep eierdoppie met ei van taofel)* Maor het ei krieg ie niet.. Dat heb ik speciaol veur mien Tinus kookt. *(löp bij taofeltie weg)*

Tinus: Maar ik ben ook dol op een ei.. Als het moet, wil ik het wel extra betalen.

Harmke: Hold je geld maor mooi in de buus.. Dit ei is veur mien Tinus.. Daor komp mij gienien met de vingers achter.

Tinus: Als ik dit zo hoor, neemt die Tinus wel een heel bijzondere plaats in Uw hart in..

Harmke: Wie en wat ik in mien hart heb, giet gienien wat an..

Tinus: *(pakt weer plak brood)*

Harmke: (*zöt dat*) Je wilt zeker ook wel wat veur mien Tinus overlaoten hèn.. 't Is hier gien opmakersboel..

Tinus: Komt U eens wat dichterbij.

Harmke: (*stap naor hum toe, stiet nog achter hum*)

Tinus: Nog iets verder.

Harmke: (*verder naor hum toe, stiet vlak achter hum*)

Tinus: Ziet U niets bijzonders??

Harmke: Nee.

Tinus: (*dreit zuk om*)

Harmke: (*zot nou, dat 't Tinus is*) Jij bint 't ja.. Tinus.. (*kwaod*) Jij lelijke mispunt.. Mij zo veur de gek te holden.. Daorveur moeij Tinus Visser heten..

Tinus: (*lacht zuk slap*)

Harmke: (*kwaod*) As ik mien natuur opvolg hèn, gaf ik je een klap an de kop.. Jij.. jij.. Tinus Plotseling.

Tinus: Dan moeij je natuur maor niet opvolgen, Harmke.. Maor net preut jij hiel aans over mij.

Harmke: Wat bedoel ie?

Tinus: Nou, je haren 't aal over mien Tinus.

Harmke: Dat zij wel niet goed heurd hebben.

Tinus: Dat heb ik wel goed heurd, Harmke. (*vier vingers omhoog*) Vier maol zee jij mien Tinus..

Harmke: Verbeeld je maor niks, heur.

Tinus: Dat doe ik ook niet. Maor ik heb nooit weten, dat jij mij zo geern mugt en zo veur mij opkomt..

Harmke: (*zeg niks*)

Tinus: Kom een posie bij mij zitten. Dan smaakt het eten mij nog beter.

Harmke: (*giet bij hum zitten, zet eierdoppie met ei weer op taofel*)

Tinus: (*et deur*)

Harmke: Smaakt het je wat???

Tinus: Wat jij klaor maakt, smaakt mij altied, Harmke.

Harmke: Daorvan hej nog nooit wat tegen mij zegd.

Tinus: Kun ik ja niet.. Jij laot mij ja nooit an 't woord kommen..

Harmke: Omdat jij altied van die raore dingen tegen mij zegt.. Dat doei j' allèn om mij te pesten.

Tinus: Dat hej dan verkeerd opvat, Harmke.. Om de waarheid te zeggen hèn: ik mag je wel lieden...


Harmke: Daor kom jij wel op een vrumde manier met veur de dag..

Tinus: Jij zegt 't ook niet altied even netties..

Als u het hele stuk wilt lezen dan kunt u via www.toneeluitgeverijvink.nl de tekst bestellen en toevoegen aan uw zichtzending.

Voor advies of vragen helpen wij u graag.

 info@toneeluitgeverijvink.nl

 072 5112407



“Samenspelen” is ons motto